

靈寶領教濟度金書卷之二百四十五

育六

靈寶領教濟度金書卷之二百四十五 育六

洞微高士開光教苦真人竊全真授

靈寶通玄弘教水帝先生林靈真編

科儀立成品祈壽用

祈壽醮儀

法事如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡字錄帝房乘飈散景飛騰太空
出入幽冥遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

无上三天玄元始三炁太上道君召出臣身

育六

中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為入齋意以
今陞壇設醮願得

玉清道炁靈寶妙光下降流入臣等身中即
使玄壇清淨內外成真天无氛穢地絕妖塵
琳琅振響十方肅清萬魔不干真誠上徹令
臣所啓速達逕御

太上无極大道至真玉皇上帝御前

請稱法位

具位臣某與臨壇官衆等謹同誠上啓

太上无極大道虛无自然元始天尊虛皇玉
晨大道君靈寶天尊萬變混沌玄元老君道
德天尊玉皇大天尊玄穹高上帝北極紫微

大帝玉清神霄長生大帝東極青華大帝后
土皇地祇九天生神上帝三十二天上帝五
方五老上帝上清十一曜真皇君南辰六司
上真道君北極九府上真道君二十八宿星
君福祿壽三星君醮主某本命元辰運限照
臨星君周天分野河漢星君南極老人壽德
星君泰玄樞機三省列相天君三元三官帝
君北極四聖真君靈寶五師真君九天金籙
無量壽生神君九天諸司府院使真君十方
无極飛天神王三天三界大魔王三天門下

三元真君上章詞表靈官本靖所部三洞四
輔經籙法科諸省府院司靈官將吏五嶽五
帝真君洞天福地靖廬治化仙官北陰玄天
酆都大帝水府扶桑大帝本靖祖玄真經籍
度師列位真人東嶽地水掌壽命案主者城
隍社令遠近廟貌三界應感一切真靈伏聞
道先天地凝光明於混沌之中化並陰陽妙
裁成於洪濛之內包羅有截囊括無垠曰希
曰夷曰微上極無上惟玄惟元惟始高拱彌
高仰窺則恍惚難名俯聽則杳冥莫測凡居

陶治孰越範圍臣等流俗疎材塵籠濁質強

顏出岫徒冉冉於駒馳終志還山悵悠悠於
兔逐矢心補過勵志立功期精進以學真庶
操存而領教今醮官某皈命激切殫敬勤奉
修齋祈年已恪遵於青律消災謝過庸肅列

育六

三

於玄儀蘋藻是陳菲葑敢薦伏願元尊錫慶
上聖流光朱鳳翼轅降綠輦丹輿之仗玄龍
駉乘陪瓊輪羽蓋之班三界侍軒萬真受事
式副再三之悃不遺萬一之忱臣不勝激切
顯望之至再拜奉迎

聖駕

請聖
初獻

重稱法位

具位臣某與臨壇官衆等謹重誠上啓

太上无極大道三清上聖十極高真玄穹之

帝后仙真方域之曹僚主執三界内外一切

真靈伏聞三洞流光玉局著玄靈之典九清

布化琅函垂延壽之文自萬變混沌以傳經

繇六合高明而啓教恩流黃混澤浹清微惟

穩駕於法橋必克登於道岸今醮官某籲天

激切扣地勤拳日居月諸自笑駸尋於老大
寒來暑往孰能留駐於年華夙無九還御炁
之方又賒七返延真之術期消宿累庸保餘
生庶福祿之兼全俾壽齡之永固尚慮身縈
世網心混塵機莫藏六以修持未存三而守

抱營營蟻磨六淫風動於身前役役蛾燈五
賊雲迷於生後是非顛倒人我紛紜置三會
於等閑付千齋於苟且愆書地府寃錄神司
致青編未紀於增齡而黑籍或書於減筭又
慮五星進退計羅火索以臨躔三命縮羸的

劫刃刑而守舍或干運限難追災危自非乞
福於綠羅安得添年於紫策壇崇四壘旂花
繚繞以交加門列十華旌葆流明而並舉雲
鏞激響風磬凝清降珠蹕於端門輅翠輿於
閣道爲齋主某懺除積障迎沐新釐祈福祿
於方來增年齡於未艾丹毫列悃青牘陳情
具有詞文謹當宣奏

育六

四

宣詞

詞文控露玄監孔昭黍稷非馨聊寓粟絲之
禮蘋蘩可薦爰陳綿絕之儀伏願蒼蒼時歆

高高日監尊彝間錯伶俜鳴九奏之音邊豎
淨嘉符寶擁五雲之仗克誠切切庸敬渠渠
冀垂惠下之仁允納由中之禱臣不勝虔切
伺命之至

亞獻

重稱法位

具位臣某與臨壇官衆等謹重誠上啓

三清上聖一極高真圓穹之帝后仙真方域
之曹僚主執三界內外一切真靈伏聞天雖
高而聽實卑惟惠民情之尚鬱民雖微而情

欲壽每蒙天聽之潛孚影響無遺鼓桴胥契
今醮官某建壇首過已荷慈觀降福延年諒
從真禱伏願天光灌浹民欲昭回勅三官五
帝之曹僚勒九府四司之掾吏罪無大小均
削落於簡書宥有顯微悉齊同於簿錄積瑕

育六

五

既蕩新慶宜增月滿庭除塵事常闕於樂事
風清院宇世緣每撓於歡緣疾病不侵災危
永離椿松茂悅宛如玉樹之差我箕翼輝明
鬱若金花之燦爛指川岡而介壽同河漢以
齊齡孫子熙熙門闌藹藹衛武入相允符九

袞之期呂望建邦恰際八旬之度佐熙朝而
金章紫綬宴暮景而綠鬢朱顏三鳳齊飛八
龍垂裕嘉拜無私之惠克全有造之恩次願
臣障惱消除塵籠斷滅傳道授法志多薦於
金蘭領教學真操益堅於冰蘖凡有祈叩悉
藉帡幪上願圓蓋高華方輿澄宴山靈薦瑞
川后呈祥雨露沾濡百穀順成於地利風雲
藏靜四時常施於天休同文同軌以升平出
圖出書而康濟鳶飛魚躍均陶一炁之生生
獸舞鳳儀普合萬形之化化陰關春到冥路

陽回臣不勝虔禱之至

終獻

具位臣某謹重誠上啓

三清上聖十極高真圓穹之帝后仙靈洞府
之曹僚主執醮筵內外一切真靈伏聞萬帝

臨軒愧芻蕘之無擇千官侍坐諒葑菲之不
遺獻酬已罄於三周奠饗幸殫於一念以今
玉杓影轉銀漢光斜月淡八鸞已翩翩而上
運風清九鳳復搖曳於高征煙駟旁馳雲龍
下赴臣等無從控挽惟劇瞻馳不勝依戀望

恩之至謹稽首再拜奉送

存神燒香

香官使者左右龍虎君侍香諸靈官當令臣

設醮行道之所自然生金液丹碧芝英百靈

衆真交會在此香火爐前令臣學道得道求

育六

六

仙得仙齋官獲福幽顯沾恩十方仙童玉女

侍衛蘭煙傳臣向來所啓速達逕御

太上无極大道至真玉皇上帝御前

回輶頌

焚燎

回向

壽星醮儀

法事如式

各禮師存念如法

宣衛靈呪

五星列照 煥明五方 水星却災 木德致昌
熒惑消禍 太白辟兵 鎮星四據 家國利亨
名刊玉簡 字錄帝房 乘飈散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁 和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉女五帝直符直日香官各三十二人出出者

嚴裝關啓玄壇天帝神君當召此間土地里

育六

七

域真官正神急上關啓臣今奉為入齋意以今陞壇設醮願得

玉清道炁靈寶妙光下降流入臣等身中即使玄壇清淨内外成真天無氛穢地絕妖塵琳琅振響十方肅清萬魔不干真誠上徹令

臣所啓速達逕御

太上无極大道至真玉皇上帝御前

請稱法位

具位臣某與臨壇官衆等謹焚香上啓

上清十一曜星君北斗七元延生星君南斗

六司延壽星君東方箕宿星君南方翼宿星

君南極老人壽德星君上清祿星君上清福

星君某人本命元辰胎生八位大小運限流

年臨照星君九天金籙無量壽生神君九天

延壽元嬰弄真君九天好生韓君丈人真君九

天保命定命真君九天注生注祿真君九天
掌筭萬福真君九天定貴續命真君九天陽
官曹掌仙錄真君天曹延壽益筭真君天曹
延生保命真君天曹注生勾死真君天曹司
命司錄真君南宮延壽君南宮益筭君南宮

好生君南極長生大君洞天福地靖廬治化
典司壽筭錄籍無鞅聖衆醮筵內外一切真
靈伏聞元始開圖散真風於萬有虛皇御運
流化雨於十華林林而宇內寓形戢戢而窠
中稟命予奪增減端絲紫極之權衡壽夭賢

愚允藉朱衣之橐籥今醮官某馳神碧漢稽
首青冥謝過迎釐已罄朝修之敬保生資壽
更憑翊贊之功庸罄芻蕘聿陳菲醮伏望雲
車風馬會萬聖於玄壇月駟煙驂來千真於
紫席不遺懇悃恪副忱恂臣不勝激切顙望
之至再拜奉迎
聖駕

育六

請聖

初獻

重稱法位

具位臣某與臨壇官衆等謹重誠上啓

周天列曜本命元辰九天職僚天曹主宰醮
筵內外一切真靈伏聞大德本於生上帝之
統臨無外五福一曰壽下民之期望奚窮故
衛生願保於天年而延壽允資於帝貺匪繇
主宰孰領甄陶仰瞻經緯之星真俯視乾坤
之職守凝精太極毓粹先天冠履陸離煒燁
重霄之上佩環容與鏗鏘梵炁之中典生籍
於清都提壽編於紫府凡伸皈載悉藉主維
今醮官某性本受中材堪語上傳家文獻幸
有前輩之威儀垂世詩書可作後生之模範

起處清閒而自樂修持勤飭以相和深慮再
再年華每易成於梭擲綿綿壽考忽有若於
舟藏或祖玄之冤累猶縈或宿今之障愆未
釋致傷命蒂難植生根又如玉緯移躔金經
循度守照命身之次舍加臨運限之宮隅自

育六

九

非皈命於蒼穹曷克延生於黃混是以修齋
設醮恪遵紫素之科燒香散花爰瀝丹青之
悃冀垂鴻蔭申錫龜年以謝以祈所願削罪
花於旣往有嚴有翼惟憐錫福果於方來霞
饌駢羅雲漿錯列儻昭昭於應感實切切於

恩榮臣不勝虔切俟命之至

臣等

重稱法位

具位臣某與臨壇官衆等謹焚香上啓

周天列曜本命元辰九天職僚天曹主宰醮

筵內外一切真靈伏聞視聽自民仰帝心之

簡在禍福由已幸民欲之潛通明陰陽感召

之機探天地和同之捷拳拳首過既委曲於

敷陳翼翼祈年諒端詳於采矚伏願醮官某

自今其始惟吉之從八節四時沍烝无侵於

踐履三元六甲妖躔母撓於躬行門闌多自
在之春院宇茂無爲之旦公侯衮衮孫子詵
詵碧簡題名上壽中壽下壽兼三壽青編定
錄大書特書屢書不一書施隱德於耄倪著
陰功於遐邇霜髯若戟昂昂邃古之衣冠雪

鬢如絲濟濟當今之人物佐國表一心之赤
理身留兩臉之丹舉動若少年可遂兒童之
竹馬步趨無老態堪登將相之蒲輪百歲安
間一生康樂嘉拜由中之惠悉由濟下之恩
臣不勝虔禱之至

終獻

重稱法位

具位臣某與臨壇官衆等謹焚香上啓

周天列曜本命元辰九天職僚天曹主宰醮
筵內外一切真靈伏聞以實不以文禮寓葵

育六

+

藿之敬在德不在物敬存蘋藻之儀既奠獻
之三周宜精神之備至翩翩羽葆將旋於藻
闕之班奕奕靈光已返於芝壇之炁某無從
依戀惟切瞻馳升車之恩乞垂福祐臣不勝
望恩之至謹稽首再拜奉送

存神燒香

香官使者左右龍虎君侍香諸靈官當令臣
設醮行道之所自然生金液丹碧芝英百靈
衆真交會在此香火爐前令臣學道得道求
仙得仙齋官獲福幽顯沾恩十方仙童玉女
侍衛蘭煙傳臣向來所啓速達逕御
太上無極大道至真玉皇上帝御前

回軒頌

焚燎

靈寶領地濟度金書卷之二百四十五共取十

